

## *Da Mitt'lpunkt!*

*Da Mitt'lpunkt oft amol,  
is wos bsundas auf jed'n Foll.  
Jo a Tog und dos is kloar,  
der hot vierazwanz'g Schtund'n goa.*

*Talt mas duach zwoa  
Kimmt auss'a zwölfi goa.  
Waunn um Mittoag d' Glock'n leit,  
dos is a;Punkt der mi recht gfreit.*

*Ba an Mensch'n is dos gwiss,  
da Mitt'lpunkt sei Herzal is.  
Sou um d'Vierzig oh mei oh mei,  
da Mitt'lpunkt van Leb'm kaunn sei.*

*Gehst amol in a' Konzert,  
lauscht da Musi unbeschwert.  
Im gröllen Liachtaschein,  
wird g'sungan glei aLiadl fein,  
wann dann da Applaus nou kummt,  
schteh'n d'Künstler oll im Mitt'lpunkt.*

*Foahrst eini glei in oanTunöll,  
kimmt sich'a irgendwo d'Schtöll,  
bevors wieda ins Liacht geht glei,  
muasst ban Mitt'lpunkt vabei.*

*Im Erdkern gaunz gaunz tieaf do trunt,  
va wou so maunches Erdbebm kummt.  
Wo s'koucht und broudlt. imma fuat,  
i moan da Mitt'lpunkt is duat.  
Im Mitt'lpunkt va Eis und Schnee*

*san die zwoa Pole dos wissts eh,  
Jo da Equator wia ma hört  
Is da Bauchgart va da Erd.  
Gaunz gleich va wo dass d'kimmst daher,  
da Mitt'lpunkt is Er.*

*Im Mitt'lpunkt va Wien,  
schteht da Schteffl drinn.  
Im Prota is gaunz kloa,  
s'Ries'nradl goa.*

Besuachst Graz daunn sixt dos glei  
Da Schlossberg der schteht mitt'n drei.  
Gehst ban Schteigal aufi fuat,  
siacht in Glock'nturm mit Lisl duat.  
Er duach d'Schträucha aussa kummt,  
stangat bold im Mitt'lpunkt.

I'woass net hobts dos scho erfoahr'n,  
i'bin in Leobm gebor'n.  
Duat is gwiss,  
da Schwammerlturm da Mitt'lpunkt is.

Aufwerds geht's hiatz nebm da Muar  
Meina Hoamat zua.  
Waunn ma va Kaisersberg noch St.Stefan kummt,  
is d'Muabruck'n da Mitt'lpunkt

Ba d'olt'n Mauern kaunnst s' nou sehgn,  
a'olti Burg is do mol gwen.  
Do werd'n hiatz d'Schtreuch'a gschützt,  
d'gaunzi Gegend aus schön putzt.

A weg wos aufbaut, d'Mauern gricht,  
dass ma wieda aufi sicht.  
Im finstan noch schön beschtrohlt,  
scho schtands im Mitt'lpunkt holt.

Dos Dörfli is zwo net sou grouss,  
oba imGrünen und ollahaund lous.  
Hob oafoch do mein Hols ausgschtreckt,  
mei Weibal do entdeckt.  
Dö is guat und fleisi dass i sog'n kunnt  
si is für mi da Mitt'lpunkt

Ba unsra Fronleichnamspozesion,  
kemmans daher mit Kraitz undFauhn  
waunn da Pforra untan Himm'l,  
mitn Ollahaligstn geht,  
Er im Mitt'lpunkt.schteht.

Im schenan Schteiralandl drei,  
sull sou a'Punkt holt a wou sei.  
Wo i dahoam bin im Obalaund drob'm  
In St.Stefan ob Leobm.

,

Bergbau haum ma g'hobt glei drei,  
Erzobbau woahr a'dabei  
Do is oana kemma der hot si wos traut,  
inSt.Stefan'a Eis'nwerk an Röh'r'nkessl baut.

Jo sou schtehts ind Kronik drinn,  
A' Daumpfmaschin.  
Da Josef Ressel is gaunz kloa,  
scho daumols da Mitt'lpunkt woar.

Schaust unsa Gemeindewoppm au  
A'mächtige Burg Kaisersberg vorau  
Und untaholb im Mitt'lpunkt,  
d'Schiffsschraubm wida viara kummt.

I hob,dos gles'n moch mi schlau,  
woass wou der Punkt is hiatz genau.  
wo der Punkt is oda Fleck,!  
hinta unsan Örtl am Hocheck.

D' Graz'a Uni untadess'n,  
hot dos olles do vames'n.  
Ma Lebt doguat;Leit san flott dLuft is gesund  
Und nou dazua im Mitt'lpunkt.

das i'do dahoam bin kinnts sogn wos wulds,  
do drauf bin ischo a'wengal schtultz.  
Frogt mi oana va wou i kamm,  
Jo mei i, bin van Schteir'alandl,  
grod im Mitt'lpunkt daham.!